8-8985

ADVIS; REMONTRANCES E T

REQUESTES AVX ESTATS
GENERAVX TENVS
à Paris, 1614.

PAR SIX PAISANS:

Я

M. DC. XIV.

E A ON FRANCES

PERTERANCE COTATS
LENGTH AVIOLET CONTROL
OF LENGTH AVIOL

THE PARTY OF THE P

ADVIS, REMONSTRANCES et. Requeste aux Estats genéraux tenus à Paris, 1614.

PAR SIX PAYSANS.

Le Bourguignon.

E Tà vous, Messieurs, & à vous. Vous estes qu'vn pouler: mais si vous nel'estes, à tout le moins vous le faictes: le dis les empeschez, aucuns & non tous, Vous nous voyezicy bien équipez, qui auons prisla hardiesse de venir au lieu sacré: Auons disputé longuement pour les rangs, en sin la Bourgongne l'a emporté. Premier ou dernier, n'importe, pour ueu que les assaires aillent bien. La derniere lettre de l'Alphabet est aussi necessaire que la premiere [dit nostre Curé.]

Vous contemplez le Picard, habillé de mesme que moy, tous deux auons la teste chaude, bons paysans, bons laboureurs quile trouuons bon, si saictes bien vous, Messieurs des Estats, tant Clercs que Laiz. Voyez le Champenois & Briois, auec la saucille vestus de peaux de veau. Le Poiteuin auec sa grande sequenie & ses sabots, vestu de peaux de cheurean. Le Breton sort & dispos, testu & opiniastre, vestu de peaux de vache. Le Tourangeau auec gros chapelets, vne branche de meurier a son chapeau, & dans sa main vne serpe à émunder les antes. Nous voicy qui venons demander sustice au Roy. Nous

A ii

sommes compris sous le Tiers Estat, & esperons que ceux qui en ont la charge s'en acquiteront. Vous nous voyez simplement couverts de ce que la Nature nous donne, sans beaucoup d'art, non sans peine. Nous ne sommes pas si estranges en nos habillemens que le paysan du Danube, autemps de Marc Aurelle Empereur: mais nous auons à vous direplusieurs choses & autres. Ceux qui ont pris la charge de parler pour nous (s'il leur plaist) excuseront nostre iuste douleur. Nous voicy pour dire nos griefs auec toute humilité & reuerence à nostre Roy, Image de Dieu, son Lieutenant en Terre, ouy son Lieutenant, & bien d'vne autre façon que Decretales modernes ne chantent, & quelques faux Docteurs enseignent. Vous cognoissez bien ces Prouinces, qui en tout ou en pattie ont estégaulees, c'est à dire, broutees, desolees. Nous demandons iustice, qu'on nous rende nos vaches, nos veaux, nos cheureauxs mais nostre bon froment & nos vins engoulez par les Suisses & autres oyseaux de rapine.

Les Testes sont venues les premieres à ceste assemblee, elles s'en veulent bien faire accroire, comme de raison. Nous sommes les jambes & les pieds Qui aura coupé les pieds & les iambes à ces belles Testes, les vnes mitrees, les autres empennachees à la lansquennete, les autres à quatre goutieres, il y en a qui se trouueroient bien estonnez. Coupez aux genoulx vous auriez tous fort mauuaise grace, mais qu'il ne vous en desplaise, Messieurs, feussiez vous auec belles quilles d'yuoire ou d'ebene bien dorees & pindarisees. Qui auroit osté les sondemens du Louure ceste belle Architecture ne seruiroit pas de beaucoup, ie m'en raporte à vostre jugement. Nous sommes les jambes & les pieds qui portons ce grand

Piedestaux qui le soustenons. Tout cela abiet, incongneu, sans aparence. Quand on en parle c'est auectant de mespris: Ce manant, ce vilain, ceste lie. cela est vray, sans esclat, sans ornement. Disons plus la Cloaque, la Sentine de vos passions, de vos furies, de vos rebellions. Nous portons, entretenous, & engraissons tout au contraire de la rate qui s'enste & desseche le corps, nous sommes dessechez & mangez &, ô malheur! le iouet du Monde & la Baheuer.

Nous engraissons ces mittres & prenons patience parce que c'est à bonne intention afin qu'on prie pour nous, qu'on nous instruise, qu'on nous corrige & le monde sçait comment la plus part s'en acquitent & comment on nous endoctrine: Mais combié il en est parmy eux qui n'estudient mie de peur des Auripeaux. L'ay quelque opinion qu'ils'en trouuera plus de mulets qui sentent l'Asne que de cheuaux d'Espagne. Aussi ne sont-ils pas hommes de guerre, comme iadis aux deux premieres races de nos Roys, horsmis l'Euesque de Poictiers & quelques autres que ie pourrois nommer de doctrine, de qualité, & de probité qui degaineroient s'il en estoit besoing.

Nous engraissons ces Espees, parce quelles nous conservent contre les estrangers qui nous auroient tous mis à sacsans elles. Pour cest item nous y contribuons de bon cœur, toutes sois nous descretions qu'on y allast auec plus de modestie, & de consideration. Nous engraissons les Marchands, Arrisans, & autres du Tiers Estat qui servent à la Republique Patience: Mais quant à ces bonnets quartez qui gripent du Clergé, de la Noblesse, & du peuple, nous nous regrettons & lamentons qu'ils mangent nos viures, & qu'ils nous facent ieusner pour s'egorgez

A in

de perdreaux & de gelinotes de bois. La cause, Mesfieurs, c'est qu'ils neseruent de rien à la Republique C'est vn quatriesme corps engendré de corruption qui vit de corruption suiuant la maxime des Naturalistes, que le corps est nourry de la mesme chose dontil est engendré. Quatriesme corps qui ruine les autres trois qui sont sisons, pardonnez à nostre zele Messieurs, qu'ils se laissent manger comme des veaux. Pensez si cet Andriague n'en est bien aise. Et pourquoyle souffrez vous? N'entendons en façon quelcoque parler de ces graues Senateurs des Cours de Parlemens, & principalement de celle qui est la gloire des Senats du monde: car nous sçauons qu'il y a beaucoup de gens de bien qui sont Collomnes de l'Estat, mais de tant de Procureurs, Aduocats, & autres sagluës qui nous succet iusques aux mouëlles. Bien nous plaignons nous dequoyils lestoleret, & pour cest item il n'ya moyen de nous en taire.

Voila doc ces trois corps & ce quatriesme de corruption nourrispar nous. Ilsse batent aux presseances, ils sont tous bouffis d'orgueil & de vanité. Nous les nourrissons tous & on ne fait conte de nous, certes, non plus que des excremens. Iniustice estrange & incroyable, & quasi vn reproche à la Nature de nous auoir faict les peres nourriciers de ceste Monar chie, & qu'on nous traite si mal. Que nous soyons les piez, les iambes, le ventre, nous sommes encores joints auecla teste, auec le cœur par des nerfs, par des arteres, & auons apris de ces deux parties qu'il ya vn ordre au monde estably de Dieu, vne distinction des personnes & des Estats, mais qu'il y a aussi vue liaison. Nous nevoulons pas estre le cerueau, le cœur, les bras, les mains, la poitrine : Confellons que nous sommes les iambes & les piedsadnous portons les fardeaux qu'on ne nous tronque pas, que nous ne soyons point mutilez barbaremét, & si on nous seigne qu'on ne nous tire pas tout le sang.

Il ya long temps que nous auons occasion de nous plaindre de ce quatriesme corps, & maintenat nous nous plaignons particulierement de ces espées. Demandonsiustice au Roy pour le passé & ordre pour l'aduenir. En plaine paix (pour le reste du Royaume) batus emprisonnez, tuez; nos femmes & filles forcées en toutes ces Prouinces, tant d'inhumanitez commises, & personne n'a prisnostre cause en main. Nous sommes aux pieds du Roy nostre souuerain Seigneur qui a puissance sur nous, sur nos vies, sur nos femmes & enfans, disons puissance souueraine: mais il est nostre pere & ceste puissance il l'a tient de Dieu. Comme pere nous en esperons secours, œuure de clemence & bonté: comme la tenant d'enhaut nous en deuons attendre iustice; de peur que Dieu ne la prenne de luy.

Ne pouvons comprendre comment le Roy s'est laissé brauer à ses subiets, prendre ses villes & se cantonner aux saux bourgs de sa ville Capitale. Il y a tant de Compagnies de cheuaux legers, de Gendarmes, de Regientretenus & le Royn'a-il pas moyen de se faire obeir Nous payons tous. Piez plats (dira quelqu'un) cela est trop cognen & vousne dites rien de nouneau Pié pointu, respondos teste solle, Messieurs patdonnez à nostre iuste douleur, c'est ce qui nous cabre & nous met au dessepoir. On cognoir l'iniustice, la Tyrannie, l'op ression insuportable & solleu du Ciell on est sou de nos plaintes peudat que nous sommes aux derniers traits de la more

Au Roy donc en sa Majorité, à la Reyne sa Mere la gloire des Reynes, le soutien de la France, & à Messieurs du Conseil nous demandons reparation de nos maux soufferts & soulagement de nos miseres

pour l'aduenir.

Cen'est pas pour nous seuls, c'est pour tous. Quad le terre ne sera point laboutee: ny les vignes faictes & les autres ouurages rustiques que deuiedra le Roy mesme auectoutle reste? C'est donc pour le bien Commun que nous parlons, prest à donner franchement de nostresang, de nostre gresse, de la sueur de nos corps: Mais que les vaines nous soient toutes vuidees, que la substance soit toute deuoree, que nos trauaux soient convertis en larmes de sang, nous crions à Dieu & au Roy pour auoir vne meilleure condition, ou la fin de nostre vie. Nous sommes dit-on, comme les Asnes qui portent tout. Souuenez-yous Messieurs des Estats a ce propos, que suyuatle Prouerbe Espagnol Elasno sufre la Carga y nola sobrecarga, l'Asne souffre la charge, mais non la surcharge, & sans le respect de la copagnie, nous pourrions dire à plusieurs qu'ils deuroient auoir compassion de leurs freres.

Nous auons beaucoup de choses à remonstrer, aduis à donner, & secrets à découurir. Nous commencerons par vne lettre intercepte, qui nous est venuë en main passant chemin. Vous aurez patience d'en oüyr la lecture, s'il vous plaist. Aussi vous n'auez pas grande occupations les iours des festes.

Goinfre l'adueuturier à Friquenelle, Salut.

Friquenelle mon amy, iele disois bien tousiours & se on moequoit de moy, que le Prouerbe Italien

9

est trop veritable à mon grandissime regret, I popoli s'amazzano, gli Principis' abracciano. Les voila tous à la Cour come aux dernieres idées de lanuier caressez bien venus, teste haute, bon minois que vous diriez qu'ils ont sauuél 'Estat. Assis aux Estats ou ailleurs à grands pennaches les vns, autres petits, tenans leur rang horsmis ceux qui voyent iouer à la galerie, de peur de choquer l'antiquité de leur Escusson attendant les ratepennades à la tenuë des Estats aux Calendes Grecques pour estre fair comme de raison. Les voila donc gaillards & nous bien penaux bien sots d'auoir vendu le préioly, le moulin, le fief sur ces Esperances. Nous dirons, nous fairons. Par ma fressure nous sommes en belle assiete. Ils faisoiet tant les eschauffez. Gueridon nous en auoir adiiertisdes le commencement. Le bien public, le service duRoy. Tout auant. Et puis tout s'est fondu en leurinterest particulier. Et nous autres fois de haute gamme de les auoir creus ces Caioleurs, enioleurs (marchand quipert ne peut rire) ie suis fort offencé, ô mon fief! Ie serois d'aduis qu'à plusieurs on donnast de chapeaux de Cardinaux pour faire despiraux Romains & aux Castillans, aussi nous en auons trop peu en France. Ceste disgrace & bricole des fausses esperances nous doit apprendre à nos despens que la plus grande finesse est de seruir le Roy: Dieu le commande. Il a plus de moyen de nous aduancer en vne heure que ces gens là en toute leur vie, Tousiours à l'Escu de France pour estre bien, & quia le Roy, faict tousiours vn leué. l'ay vendu mon sief pour ces belles promesses, & ma femme me bat comme plastre: maudite ambition des grads qui cause tant de maux. A Dieu Friquenelle monamy, ie croy que tù asaussi mauuaise mine que moy quant tu te souuiens de la

B

guerre de Soissons. l'enrage, ie forcene, o mon fief Escrit de ma maison a mal garuy à la fin d'Octobre, & au commancement de ma Diete, & de mon Ca-

resme, o mon fief,

Voila Messieurs des Estats la lettre du Compagnon. Il n'ya Sorbone, ny College de trois Euesques qui puisse faire vne leçon plus haute à ces Rolands & Mandricars coureurs & picoreurs de Vaches, que ceste naisue missiue toute mal coiffee qu'elle est. C'est vn fleau de Dieu que la guerre, mais la Ciuile est espouuentable. C'est la où nous vouloient porter ces zelez Eleazars du repos public, ces Brutus & Cassius & nous les voyons qui font encore les resolus. Nous sommes subiects & deuons tout supporter patiemmet par les loix diuines & humaines: Mais souvenez-vous que les peuples n'ont iamais faute de Roys & de Princes finon pour les conduire au moins pour les manger; Et ils ne se donnentpoint de peine qui que ce soit pourueu qu'ils viuent heureusement. Marque ceste chasse qui à interestà l'escot.

Nous auons aussi à vous dire que passant chemin nous vismes faire vne plaisante Reueuësans toucher argent. Le Capitaine qui marchoit à la teste de la troupe tenoit dans la main quelques vieilles Pancartes couvertes de toilles d'araignees, auoit vne Nes de papier sur la teste sans voile & sans Timon & sur vn escriteau la figure d'vne lanterne toute rompuë auec des parolles Barbares qui significient. Ie vous feray riche. Ils marchoient à la desbadade ayans presque tous des Tableaux dans leurs mains. Il y en auoit plusieurs auec Chapperons verds & aureilles de lieures & des marctes, leur deuise en Barrogoin, Plus ou Rien. D'autres auoient des coins & des marteaux

& ceste deuile, Tout de bon aloy. Plusieurs autres estoient là portans vn papier rouge & ceste deuise en champ verd; Il sera brule, Toutes ces gens de disserente humeur & condition estoient la pesse-messe consusément comme des estourdis que ie laisse à vous representer pour cause de briefueté, & pour venir aux articles que nous desirons vous proposer pour le bien de l'Estat,

ARTICLES.

Novs suplions à genous le Roy Tres-Chrestien, le plus grand de l'Uniuers, auec toute reuerence & humilité d'accorder les Articles suiuans (sauf meilleur aduis.)

PREMIEREMENT.

que sa Maiesté iurera solennellement de tascher auec l'ayde de Dieu. d'oster les schismes de la Chrestienté, et particulierement de son Royaume pour la Religion, est at venu en aage competant: Et que sadiéte Maiesté sera durant ceste assemblee des Estats une Declaratio de cest article & autres qui seront approuuez, enregistrez à la Cour de Parlement et publiez par tout le Royaume.

II.

Que les Blasphemes seront punis.

III.

Les Simonies oftees.

ΙV.

La Paulette et toute venalité d'office de indicature, de finances dans le Royaume & de toutes sortes de charges dans la maison du Roy, &c.

V.

Quela pragmatique Sanction sera restablie?

Bij

VI.

que l'alliance du Grand Seigneur sera rompue, et n'y aura plus d'Ambassadeur à saporte.

VII.

que la noblesse sera remise en sa premiere splendeur es administrerala Iustice comme anciennement: ne atmoins que la porte sera tousiours ouverte à la vertu pour les charges de que lque condition qu'on soit.

VIII.

Que le commerce sera estably, et les galeres remises comme du temps du Roy Fr. I et H. 2. pour y enuoyer, si le cas y eschet, tant de factieux qui fourmillent en Frace.

IX.

oue nul ne pourra estre Abbe ny Curé qui ne soit Theologien, et si plusieurs s'entrouuens aux abois et à l'Espagnolle, s'en curera les dents à ieun à leur dam.

X.

que la recherche soit faite des concussions & larcins des gens de lustice, & sans faire tort a personne, on en retirera des sommes excessives pour le thro sor du Roy.

ΧI.

Que les Commissions emanees du Conseil du Roy n'ayent besoin d'estre consirmees par les Cours de Parlemet si ce n'est celle des Pairs pour certains cas. Si instes, elles doinent estre recenës: sinon on les faict tousiours passer aux autres Parlemens par faueur ou par argent. Argent fait tout, cela est trop cogneu. XII.

Que le grand Conseil soit osté, non seulemêt comme inutile: mais comme une eschole de chicane, où ils se hastent tant à la sin du Semestre (pour ne laisser rien à leurs successeurs d'aussi bo appetit qu'eux) qu'ils ont iugé quelque

fois des proceza trois dez. XIII.

one les Baillifs & Seneschaux exerceront leurs charges come ancienemet, auec le mesme pouvoir & authorité, sas Lieutenans, estans presens, et ne pourront en auoirque de robe courte, en leur absence, non autrement, & que les Lieutenans quisont à present seront suprimez par mort.

mort.

Qu'à l'aduenir il n'y ait plus de Connestable ny de Co
conel de l'infanterie. Ces charges sont inutiles, et leur
authorité dangereuse, principalement à la minorité des
Roys: é qu'on en face une Loy Salique, bien salée, qui
ne se corrompent iamais.

XV.

Que nul subiect du Roy quel qu'il soit, ne pourra faire batre monnoye, & qu'il ne s'en mettra que de la marque

du Roy. XVI.

Qu'on trauaillera pour les monnoyes sur le sin, sans iamais en affoiblir le pié, et la saque d'icelles desendue sur peine de la vie. XVII.

que tous Iuifs seront bannis du Royaume, ou qu'on ne

chanteraplus de Messe. XVIII.

Qu'à l'aduenir on nese servira point d'estragers pour la guerre, bien leur payera on pention pour entretenir l'alliance. Un Suisse des pend plus que six François. La premiere chose qu'il liure, c'est de n'aller point aux assauts et la veille ou sur le point d'une bataille de tourner ses armes contre nous s'il ne touche argent. Honte et reproche à la France qui à tant d'hommes, de ne scauoir se passer de ses voisins.

XIX.

que dessences soient faittes à peine de la vie, à tant de faineans d'aller en pelerinage hors du Royaume, qui emportent en Espagne & Jtalie plus d'un million d'or tous les ans. Requeste presentee par S. Denis & ses compagnons Martyrs, S. Michel, Saintle Geneuie sue et autres, qui valent pour le moins autant que les Saintle estrangers. Justice leur soit faitle sans attendre le mandat de Rome, et pour cause.

B iii

XX.

Que dessences soient failles à tous Predicateurs d'esmouvoir le peuple à sedition, a peine d'y laisser le moule du bonnet. XXI.

Que les Officiers dans la maison du Roy soient Gentils homes come ancienement, mesmes du temps de S. Louys, suyuant le mesme ordre.

XXII.

Que les Compagnees des Gendarmes & cheuaux legers: feront fournies de Gentils hommes ou autres de famille honorable ayans de la vertu.

XXIII.

Que tous Gouverneurs, Maistres de Camp, Capitaines es Commissaires des guerres seront cassez qui en façon quelcoque mettront les gens de guerre en la bourse,

ou le permettront. XXIIII.

que la chicane sera exterminee: mais attendant son entiere destruction au salat de tant d'ames endiablees qui en viuent, on rongnera les robes es soutanes des Chicaneurs, parce qu'iln'y aque trop d'est offe sur ces sots anes, principalement quand il fait crotté.

XXV.

que les Duels seront arrachez à iamais, & pour cest effect le Roy iurera de nouueau à son bon iour publiquement et solennellement, que le premier qui luy demanderagrace sera lapidé.

XXVI

Que tant de gens de neant faicts Gentils hommes de la chambre pour cent francs, ou parle Roy deffunct durant la fureur des troubles: Autres Gentils hommes seruans ou Escuyers pour trente francs en Guyenne & ailleurs, sauf leurs recours à qui bon leur semblera, sans despens.

XXVII.

que ceux qui ne sot de bone & anciene maiso ne pourrot

faire appeller leurs femmes Dames, sur peine de punition corporelle: Mais pour pauures qu'ils soient, permis a ceux qui seront de la susdite qualité. A eux conseil donné de ne faire pas ventre de bureau & robe de velours. Ainst tant de petites Dames du Trig traq, des guerres ciniles seront des damees, voire des chaperonnees, s il semble bon aux Estats. XXVIII.

Que ces tiltres de hault et puissant seigneur, de Messire & de Cheualier, ne pourront estre mis aux coutracts que par Comtes, Barons, en sin haut Insticiers de la vieille impression, & non de celle de Champignons d'une nuict à peine de confiscation de leurs siefs, ou de grosses aman-

des ameres. XXIX.

Que les Financiers, gens d'Eglise et de Chicane contriburot tous pour acheuer le dessein du bastiment du Louure, asin d'empescher que les estrangers ne faces la mouë en voyans une si laide entree.

XXX.

Que les Princes & riches Scigneurs n'auront nulles pentios, hersmis les Officiers de la Couronne & Gouverneurs des Provinces pour tenir table seulement, non pour entretenir des pentionnaires, & se faire des Creatures aux despens du Roy: aux leurs tant qu'il leur plaira, qu'ils se defendent du prix. XXXI.

que das les Compagnees des Gendarmes, Cheuaux legers, Compagnees entretenues aux Regimens & frontieres, ne pourra entrer personne qu'auec cognoissance expresse es permission du Roy, sur peine que les chefs seront

demis de leurs charges. XXXII.

Que nul valet ne pourra quitter son maistre sans billet, à peine des gales.

XXXIII.

Que les charges de Gounerneurs des Prouinces, des villes Grads Maistres, Chabellans, Capitaines des Gardes et autres dans lamaison dh Roy & ailleurs, ne serone

point hereditaires. XXXIIII.

Que le Roy prestera solennellement de maintenir tous ses subiects en bonne paix, tant d'une que d'autre Religion. The season waxv.

Que les Peres Iesuites ne hanteront point la Cour suiuant leurinstitution fondamentalle, & ne se mesteront de l'Estat qu'a la façon des bons Peres Capucins, sur peine de bannissement perpetuel, & n'iront plus en Carosse.

XXXVI. WARREDWAY

Que Monseigneur le Prince et les Princes & Seigneurs ses Conuenans quitter ont leurs pentions au Roy pour quatre ans, & ce sera pour recopenser ceux qui ont bien seruy leurs Majestez en ces occasions passees.Plus donneront le tiers de leur reuenu pour autres quatre ans, dont sera faitt un fonds pour estre distribué par des ges de bien dans les Prouinces ruinees, comme de raison.

Que les tailles seront portees par les Consuls & Esleus aux despens des Communautez dans l'Espargne, qu'elles seront imposees & leuees equitablement, à peine de la vie. XXXVIII.

Que ceste confuse quantité d'Officiers des Finances & autres sera ostee par supression ou autrement, comme il sera requis. XXXIX.

Que ceste multitude innombrable de Sauterelles chicaneuses qui broutent tout, verd & sec, et, en termes indefinis, sont en nombre de plus de trois millions, soit abolie, enfemble six vingts mille Sergens qui sont dans le Royaume: qu'estans conuaincus de concussions & malnersations, ils seront enuoyez incontinent & sans delay aux Galeres, et que le general n'espargnera point leur

que nul que les Princes n'etrera en Carosse ny à cheual dans le Louure.

le Louure. Permis aux gouteux, sciatiques & autres malesciez de se faire porter en chaire s'ils le trouuet bo, par des Suisses ou autres n'importe.

SAME SHAND STATE

Que celuy qui entreprendra iniustement, quel qu'il soit, contre un officier domestique & commensal de la maison du Roy faisant sa charge sera demis de la sienne sans remission & sans exception. XLII.

Que tout officier de la maison du Roy qui vsera d'in-

solence sera chasse of puny exemplairement.

XLIII.

Que nul puisse anoir 2. grandes charges, ny deux goumernemens d'importance, ou qu'il se forge deux testes & 4.mains. XLIIII.

Qu'il n'y aura plus d'Ambassadeurs ordinaires vers les estrangers, & n'y seront enuoyez, qu'aux occasions,

n'y d'eux anous. XLV.

que M. le President Iannin demeurera en sa charge tant qu'il luy plaira à peine que tout ira en confusion, or que le feu S. Antoine eschaufe quiconque luy voudra faire quitter.

Que les gounerneurs des Proninces & des villes changeront de trois en trois ans ,afin que chacun se rende capable & vertueux,& se ressente de la beneficéece du Prin-

ce. XLV11.

que les maisons nobles achetees par des roturiers puissent estre rachetees et retirees par les plus proches parens en defaut de ce par le Roy en remboursant comme de raison. XIYIII.

que nul ne pourra tenir carosse horsmis les Euesques, s'il n'a vingt mille liures de rente ou s'il n'est de grande maison bien qu'il en ait moins, ou ayant charge publique.

XLIX.

queles viures estant à bomarché tout le restele soit aussi

puis que les Marchands et les Artisans disent tonsiours les viures sont si chers, pour faire valoir leur chalandise.

que nul à l'aduenir ne pourra estre chancelier de Frace s'il n'est gentilhomme portant espec comme anciennemet capable & lettré, ou defort honorable famille et de grade & singuliere vertu et capacité. LI.

Que nul Prince ne pourra estre assis ny marcher au rang des Princes du Sang, on qu'il n'y aura plus de loy Sali-

que. Que sat de Thresoriers generaux et Maistres des requestes seront suprimez par mort & leurs femmes desdamees, n'y aura qu' un Thresorier general en chaque Prouince qui sera gentil home comme anciennement et quatremaistres des requestes pour tout. 1111.

Qu'il n'y aura plus que deux Aduocats au Priué Canseil doten fait une autre Cohue du Chastelet. LIIII. Que ces dignitez de Conseiller d'Estat ne se donnerot plus qu'aux gentilshommes de bonne et ancienne maison capables et vertueux: Neantmoins que les autres gétilshomes ceux du Tiers Estaty pourrot parnenir quad ils excelleront en vertu & capacité. LV.

Que le Roy iurera deuat Dieu en faisat so bo iour haut & clair en presence de tous, de recercher & punir les autheurs du parricide execrable de H.le G.quels qu'ils soient pour expier ce sangespandusi barbarement, afin d'oster en partie l'oprobre de la France et reparer la hōte qui nous est faite par toutes les nations de la Terre de si grand'abomination. LVI.

queloy soit faite stable à iamais inree aucc grands sermens de ne faire aucun Edict qui ne soit inste & come tel exactement obserué. L'obseruation des Edicts ne dure pas 3. iours: Incroyable ruine à l'Est at & sujet de

mespris aux estrangers.

Voila, Messieurs des Estats, que nous auions resolu de vous proposer tousiours (sauf meilleuradvis & le droit gardé avn chacun, le tout sans dessein, sansanimosité:) Dites le vray, Certes nous vous auons bien taillé de la besoigne & nesçauons si vous pourrez auancer a la coudre toute, eussiez-vous autant d'aiguilles acerées qu'ils y en a ches les Peletiers de Paris. l'auois oublié vn article. Que nul Almanach. ne soit dedie au Roy. Il y en a qui en riront, à eux permis. Et nous disons qu'il n'entendent pas bien les Tropiques ny les Tropiques. Que le Cancermange & le Carpricorne puisse coiffer les Testes retrogrades qui n'entendent point le mouuement irregulier des affaires. N'est-ce pas vn scandale qu'on dedie des superstitions & des choses desendues par la Loy de Dieu à celuy qui doit faire punir les Deuins&toutes ces especes de sorciers de mauuais regard? Il y en a bien d'autres, direz vous, plus hupez ou plus Dupez qui triomphent. Tant pis. Nous sommes de pauures rustiques qui n'entendons ny Any Boy & parlons selon vn sens naturel & quelque experience des choses du Monde.

Vous nous direz donc, Messieurs, que nous vous auons mis en grand accessoire, & que c'est l'Estable d'Augias (comme disent les Clercs) & que vous n'estes pas des Hercules Gaulois. Il y a bien de l'ordure Vrayement ce mon: Mais ce ne sommespas nous qui l'auons faicte. Il y a parmy vous tant de Docteurs, d'historiens, de Legistes. Voyez comment les Perses, les Medes: les Grecs & les Romains, mais sur tout les François se sont gouvernez en la corruption des Estats. Et ie croy que sans aller plus loing vous trouverez dans les Ordonnances de nos grands Rois tout ce qu'il faut pour rendre vne Monarchie aussi

parfaitement heureuse que la condition de la soiblesse se humaine le peut porter. l'ay ouy dire à des Clercs. Examinez tout, Accordez bien vos chalumeaux & vous orrez des bons accords. Pour quoy tant d'hôneur, de prerogatiues, de privileges, d'abondance & ne vouloir point sueilleter les Annales, les Pancartes & les Chartres pour le bien public; Piez plats, direz vous, silence, vous nous rabustez les cerueaux. Nous sçauons tout le Grimoire, il n'ya rien plus à sureter, la France est plaine de belles loix. C'est d'elle que nos voisins les ont empruntees, mais il luy est arriué comme aux Cordonniers qui chaussent bien les autres & ne sont iamais bien chaussez. Par S. Iean vous nous rendez quinaus, Messieurs des Estats, Il n'y a pas vnelettre perdué. Ho! ho! voila

donc la response cathegorique.

Nous vous supplions qu'il nous soit permis d'esplucher ce Negoce & peler sagement d'oil vient vne Glourde faute & si dommageable. On est puny pour direle vray, sile saut il dire- Ce malheur vient des Rois & de leur Conseil. Quad vn homme est yure il se precipite à tout peril. Ce ne sont pas les iambes, les bras, foye ny la rate qui en sont cause. Et qui donc à vostre aduis? C'est la teste. Les yeux guident &les pieds portent. Ce sont offices reciproques. A qui tient il que les loix ne soient observees ? Aux Magistrats. Le premier Iuge & Magistratdu Royaume c'est le Roy. Il faict les loix, les defait, les corrige, les modifie, tout auec Iustice autrement il n'est plus Roy. Il est done l'Ame des Loix, non seul, mais son Conseil dependant de sa Majesté, Conseil suiuant lequelil se gouverne. Il arrive que le Prince est de mauvais naturel ou a de mauvais Conseillers, par consequenties peuples sont oprimez & tout va en

confusion. La faute, a ce compte, n'est pas d'vn seul! mais de plusieurs. Quad le Prince souuerain est mal disposé de son entendement où en bas aage il saut auoir recoursa son Conseil. S'il ya du mal c'est a luy qu'il s en faut prendre, & a qui donc au Marguillier de S. Merry? En ce basaage de nostre tres grand Lovis 13. nous auons son Conseil. Suiuant les plus belles costitutions de l'Estat la Royne sa mere en est le chef. Monseigneur le Prince, les autres Princes, Officiers de la Couronne, principalement Monsieur le Chancellier & plusieurs Grads & notables personages de l'Estat sont tout le corps, c'est donc à ce Conseil qu'il se faut prendre en ce temps si les bonnes loix nesont pas obseruees; caril ne tient pas à nous que nos vaches ne nous soient rendues, & ie

m'en rapporte aux preneurs.

On nous dira que dans ce corps du Conseil qui doit estre le Baze de l'Estat, il y a bien des parties vlcerees d'ambition, d'auarice, d'ennie & de toutes sortes de malice. Nous le cognoissons tous, & les estrangers s'en mocquent. Qoy pour cela, Messieurs des Estats? N'estes vous pas assemblez pour cest effect:Estes vous venus icy pour apprendre a danser ou aiouer du flageolet : N'estes vous pas choisis, expres pour parler librement & iustement pour le bien commun, Vous despendez tous lesiours six mille escus, & vous ne direz pas franchement vos aduis: Serezvous des vaches ou des bufles insensibles à nos maux insupportables? Le Roy selon la cognoissance que Dieu luy a donnee en ce bas aage qui surpasse l'ordre commun de la Nature [aussi est il, bien qu'home, par dessus les hommes) desire que son Royaume soit reglé sainctement & iustement, La Reyne sa mere qui ayme plus l'Estat qu'elle mes-

me, & nostre felicité que la sienne propre, bone s'il y en eut iamais entre les Reynes n'apoint de plus haute ambition. Elle veut rendre compte aux Estats de sa Regence, a quoy elle n'est, obligée ny par les loix diuines ny pat les humaines. Si vitil iamais rien de pareil? A qui tiédra il donc qu'y n bon ordre esta-

bly en ceste Monarchie ne soit obserué? Nous sçauons bien que le Roy ne tient que de Dieu & de son espee, que sa puissance est absoluë & souveraine. Ainsi nous parlons avec toute humilité & reuerence tenant les Estats, mais c'est en cela que nos Roys ont surpaisétous les autres. Car par vne assemblee legitime ilsse sont tousiours communiqueza leurs peuples comme peres, non comme seigneurs seulement, pour ouyr les plaintes: c'est la plus excellente harmonie des Estats & formes de gouvernement qui soient au Monde, & la plusadmirable ou l'Empire & la Clemence, la force, & la Bonté sont iointes de façon que lors que le Prince souverain n'aiyme plus ses subjects come ses enfans, il desiste d'estre Roy. Voila donc les subiets qui representent les maux à sa Majesté, tout cela negist qu'en aduis, remonstrances, supplications. Apres le Roy fait ce que bon luy semble par l'aduis de son Conseil. Ce n'est donc pas vne bride à la puissance souueraine, il est vray Messieurs des Estats: Mais ie vous diray, le secret. Lors qu'on represente a nos Roys les Necessitez de l'estat, comme vrayement Roys & non Tyrans, ils ont compassion de leurs subiets & mettet ordre aux affaires. Et si vous employez le temps à songer à vostre particulier & à vous piquer les vns contre les autres, quel moyen d'en decouurir les maux & d'en rechercher les remedes? Ainsi tout demeurera en confusion & l'Estar

combera en ruine.

Nous sommes pauures idiots & ne remarquons (selon nostre foiblesse) que les choses grossieres. Nous vismes faire vne cure en passant, d'vn miserable qui languissoit pour ne vouloir permettre qu'on luy coupat certaine partie de son corps. Les Mai-stres expers luy disoient que la Cangrene s'y aloit mettre & qu'il estoit perdu. En fin il souffrit qu'on la luy coupast apres auoir eu beaucoup de mal, & sauua tout le reste. Qu'on oste donc ces parties vicerees qui ne font qu'infecter ce grand corps si on le veut remettre en sa premiere vigueur & santé. La diference de ces deux corps sera notable: Car à ce patient le corps luy demeura mutilé, & cestuy cyau contraire en sera plus entier. A l'autre on ostoit vne partie necessaire nee & nourrie auec luy naturellemet, A cestui ey on arrache des execremens engendrez par les excez & debauchès des desordres & des guerres ciuiles: Corruptions de-la malice des hommes, puanteurs des derniers siecles du Monde.

Vous estes comme Ephores pour corriger nos maux quines ont pas irremediables sivous aueziugement & courage de bien saire: Mais vous n'yallez que d'vne sesse, perdez le temps en ancre & en papier, en discours inutilles, en vanité de presseance complimens & autres bagatelles, qui n'aggreent pas à ceux qui vous dessrayent. Quad on parle à aucuns de vos despences ils disent sous riant & donant du nais à qui en a assez que l'argent demeure dans le Royaume, ô la triste consolation! mais la grade dessolation! Celuy des Concussions, des faussetz, des larcins des sinances & de la chicane y demeure bien, & pour cela vos conclusions sont elles iustes? Le mauuais argument de Sophistes pour les bourses des

communautez. On nous ditencore pour nous reiouyr, qu'au lieu d'exterminer à iamais ceste maudite Paulete qui rendle larcin hereditaire on le veur continuer & qu'on véd toutes les charges & offices a la maison de Monsieur. Il y en a bien la pour nous faire deuenir fols par B mol & par B quarre & nous le sommes assez par nature. C'est à vous Messieurs des Estats ou les Estats, comme il vous plaira, carie suis vn pauure rustique qui n'entend ia grammatique, c'est a vous Messieurs d'y mettre ordre puis

qu'il plaist à leurs Majestez.

Nous craignous que nos Cayers comme nostre argent s'en iront en fumee de cuysine ou autrement les trois estats en ce Royaume sont comme le cerueaule cœur & le foye, tous trois vnis estroitement. Liaison incomparable, mariage admirable de la Nature qui bute a leur conseruation. Les Nerfs, les arteres, les veines ont certaine tissure & correspondáce & contribuent tous en general & en particulier aubien commun. De leur division s'ensuit necesfairement la ruine de tout le corps. L'Analogie qui est entre ces trois principales parties du corps humain & les trois Estats du Royaume est assez cogneuë. Le Clergé guide comme le Nort de la Pieté. La Noblesse soustient par son courage. Le Tiers Estat comme le Foye, ainsi qu'ila esté dit au commencement, distribue le sang par ses veines à ces deux excellentes parties & les nourrit. Il est de ces troiscomme d'vn nombre:vous n'y sçauriez adiouster ou diminuer sans destruire sa Nature. Nous sommes des pauures rustiques qui n'entendos rien à ergoter: Mais nous tirons bien de la vn argument que s'il n'y a vne bonne harmonie entre ses parties il ne faut attendre que la ruine de tout le corps. Or chacun de

25

ces trois à son office particulier, par lequel ils sont distinguez. Voyez les cinq doigts de la main ils sont separez, & chacun a vn mouuement incommunicable aux autres, & toutes sois ils sont ioints ensemble pour tout le reste. Souuenez vous de la fable qu'allegua ce grand Senateur Agripa durant la division

de la Noblesse & du peuple.

Nous sommes aduertis qu'il y a vne mauuaise correspondance entre la Noblesse & le tiers Estat. Ces iours passez on a dit certaines paroles, où il n'y auoit pas beaucoup de saueur pour aucus: toutefois dictes simplement, interpretées cruëment & sinistremét. Mauuais discours là dessus &menaces auec mespris, qui tesmoignent que tout l'argét vif n'est pas das les minieres. Pardonnez s'il vous plaist à ceste liberté, il nous sera permis de parler pour nostre argent fixe. En terme generaux il ne se peut mieux dire, Que c'est vne hote qu'il faille que le Roy achete la fidelité de ses sujets à prix d'argent. C'est la These generalle qui est tresveritable. La raison, par ce que nous deuons tout au Roy par les loix diuines & humaines. De plus, la vertun'est point mercenaire, elle est son loyer elle mesme en ses belles & glorieuses actions. Demeurant donc dans ces termes personne de sain iugement ne s'en doit offenser. S'en sçandaliser est outrager la vertu. Il ne s'ensuit pas neantmoins que le Roy ne puisse & ne la doiue recognoistre. Cela s'est pratiqué de tout téps, sans sortir de chez nous, d'où viennent tant d'ordres, de privileges, de prerogatives, de grands & aduantageux tiltres de nostre Noblesse que la sagesse des Roys qui ont voulu honorer les vertueux?Tout cela est bien de plus haut relief que de donner pensions. Il y a donc en ceste These generale, comme parlent les Clercs, vne explicatio essen-

D

thelle. Que c'est une houte qu'il faille que le Roy donne des pentions à des gens de neant, qui n'ôt ramais serny, mutiles. vicieux, sactieux, & plustost dignes de supplice que de gratification. Voyons le reuers de la Medaille. Où içauroient eftre mieux employees les pensions que pour ceux qui n'ont point de plus haut desir, apres la gloire de Dieu, que de servir le Roy, que de mettre leurs biens & leurs vies pour sa Maiesté & par consequée pour l'Estat : Et il s'en trouvera parmy nostre Noblesse vn bon nombre de ceste marque. N'est-ce pas aussi la plus volontaire & la plus genereuse du monde? Plust à Dieu qu'elle fust plus sage. C'est vne niche, où les compatriottes & les estrangers ont placé vne statuë de Temerité, pour accuser la faulse imagination qui la transporte & la rend miserable par les querelles.

Pour retourner à nostre These voyla donc le vray sens de ces parolles: car autrement ce seroit parler auectrop d'impertinence. Disons que cela touche plus au Tiers Estat qu'il la Noblesse, par ce qu'il a plus de pensions qu'elle. Il y a tant de Nobles qui ne tont pas à la Rose, nouvellement imprimez que c'est pitié. Ainsi ne faut pas se pointer la dessus, & forger des tnterpretations chimeriques, Le cœur est le premier viuant & le dernier mourant. Que seroit le Foyesans luy? Mais disons aussi que sans les esprits naturels, les vitaux ne pourroient subsister. Il est indubitable que la Noblesse est le cœur de cest Estar, aussi a elle tant de grands priuileges sur le commun: Mais voicy vue subarbade à l'insolence: ce n'est pas

pour elle seulle, c'est pour le bien public.

Il y a vn autre point dont on s'est picque contre le tiers Estat: Que la Noblesse se rende capable d'exercer les charges de la Instice. Exemples, alleguez là dessus de

Charlemagne, 81 autres Empereurs & Roys de Frace. En general cela se peut dire pour l'aduenir. Interpretons sans passion : il ne s'ensuit pas qu'il n'y ait quantité de gentils-hommes au Royaume capables de ces charges en toutes les façons qu'on les sçauroit prendre. Nos Seneschaux anciennement iugeoient & n'auoiét point de Lieutenans, si ce n'est en leur absence, & la Inflice estoit entre les mains de la Noblesse, Loy expresse qu'o voit encore au Thresor. Que nul de robe longue ne puisse exercer la Instice & estre Iuge. Le Latin de ce téps-là, dit Frere Guillaume, n'estoit pas si friand que celuy du nostre, mais ceux qui le parloient estoient plus gens de bien, ils n'auoiét pas la Rhetorique si mignarde & si atifée, ouy bien la conscience meilleure. Je dis pour plusieurs. Tirons vne consequence necessaire de cela, que deste grande & fi vtile action ne confiste pas tant à sçauoir beaucoup de Latin, que d'auoir ceste précieuse piece de la bonne conscience, fi rare en ce temps, auec vn bon sens, & sçauoir les principales loix & les coustumes du pays. D'ailleurs si on regarde parmy ceux qui administrent la Iustice, on y trouuera des trois parts les deux qui nesçauent pour tout que la Loy. Qui potest capere capiat. Ainsi donc Messieurs des Estats, en ces deux propositions, selon nostre pauure iugement, il n'y a rien de quoy la Noblesse se doine offencer. Et certes c'est trop debile de parler d'esperons, de laquais, & c. Le mespris est vn foible instrument pour vne bonne intelligéce, sans laquelle il n'y sçauroit auoir vne estroicte vnion, qui doit estre la premiere rouë de ceste grade Machine. Cen'est pas le moyen de remedier aux maux de l'Estat que de se diuiser. Quand quelqu'yn a mal à yn bras, auquel il a fait mettre vn appareil, si l'autre l'arrache il n'y a pas-

D ii

moyen de guerir, mais vostre aduis si luy mesme ne s'en ressentira pas auec tout le corps? Voulez vous que ie vous parle à la franche Marguerite, Messieurs de la Noblesse vous estes dignes de reproche, & on vous a donné là vne stillade à propos. Il est vray qu'il y a plusieurs Seigneurs & Gentils-hommes doctes, voire tres-doctes, de bon sens, capables de toutes grandes administrations, mais c'est le petit nombre, & il y en a tant d'autres esloignez de ce port. Quand on oit ordinairement vomir des parolles sales & puantes, blasphemer le nom de Dieu detestablement, qu'on voit passer les nuicts à berlander, & le iour à faire retentir Tran, Tran, se precipiter au peril & se couper la gorge pour vne vieille lanterne, somme embrasser mil autres actions, ou indignes, ou inutiles auectranspórt: quel nom voulez vous qu'on vous donna telles gens? Il me semble que celuy de Iuges & de Magistrats qui est si graue & sacré, ne seroit pas bien à son iour de ce costé là. A ce copte le mespris naist de vos deportemens. En passant, c'est vne petite remonstrance tacitement, & aduertissement au Lecteur de faire mieux à l'aduenir. Ce pendant le tiers Estat accorde librement que les offices de Iudicature ne soient plus venaux. Desire que la Noblesse fuyuant son ancienne possession exerce la Iustice, & de bon cœur luy donnera l'aduantage. Mais elle doit aussi trouuer bon que la carriere de l'honneur & des charges en la Iustice soit libre & ouuerte à la Vertu, à l'experience, à la capacité : ô glorieux combat, si vo° autres faisiez à qui mieux mieux, ô la belle emulation!Louable contraste où chacun tasche des aduantager sur autruy, comme quoy? par force, par Tyrannie: Non, mais par pieté, par Iustice, par pru-dence, & en sin par toutes sortes de vertus. Aux autres combats c'est honte d'estre vaincu. En cestuycy c'est vne grande gloire, en ceux là demeurer derriere est reproche, en cestuy cy aller apres l'imitation des plus parsaicts, est tousiours louable, & de haut prix. Les cadets de ceste sorte n'ont point honte d'estre surpassez des aynez, & ce sont bien d'autres gens que ceux dont se faschoit l'autre iour. Toutes les Couronnes aux ieux Olimpiques n'estoient pas es-

galles, mais elles estoient toutes honorables.

L'autre iour sur la coste de ls mer en Poictou, ie vis vn vieux bastiment, vne vieille Nauire, & vn vieux arbre: Quantité de gens trauailloient à ces trois auec tant de peine & d'industrie à couurir, clouer, appuyer, qu'en fin ils renouuellerent & affermerent tout. A propos mon Pere grand disoit qu'il ne faloit qu'vne bonne racine pour empescher la cheute d'vn gros arbre: Il ne faut point que ie face de rapport de ces ttois pieces à ce qui est de l'Estat. Vous entendez bien ces Analogies & proportions, nos miseres font affez cogneues & certes fi font bien leurs causes principales? Les femmes & les petits enfans enchaffourrent le parchemin. Portez vous donc vertueusement en ceste excellente œuure tous d'yn commun accord, pour le bien de tous en general & de chacun en particulier, & que craignez vous? Puis que leurs Maiestez ne respirent que le bien de l'Estat, & leur Conseil n'a point d'autre but, à quoy tiendra-il que nous ne recuillons bien tost le fruict de nos esperances? Acquittez vous de vostre deuoir en equité de conscience, autrement nous tiendrons nos Estats & nos grands iours, & il y en a qui s'en repentiront. S'il arriue que les Montagnes enfantent, comme nous en auons quelque opinion, les rats ne feront plus à barres dans vos greniers; car ils ne hantent point

les vuides, & croyez que les mesmes tempestes qui nous menacent vous accableront. Vous estes dans le mesme Nauire, de mesme maison, & branches de mesme arbre. Quand le gouvernail sera rompu, les fondemens sapés & les racines arrachees, jugez s'il y aura moyen de vous garentir du naufrage, des ruines & de la cheute effroyable. C'est à vous à y songer pour vous, pour nous, pour tous. On ne se trouue pasainsi tous les ans sur le trotoir. Ne perdez point l'occasió, Souuenez vous du peintre qui par hazard rencotra ce qui estoit denié à son industrie & à l'art: Nous sommes à la veille de plus de maux que vous ne pensez. Souuenez vous aussi que les paysans ont vn grand aduatage sur vous, qu'ils beschent gaillardement à la vigne labourant la Terre, & que vous auriez aussi mauuaise grace à ce mestier qu'eux à dancer: Mais sur tout scachez qu'il y en a vn là haut à qui vous rendrez compte de nos larmes & de nos fueurs & que vous ne rirez pas toufiours.

FIN.



